



Persatuan Pengguna Pulau Pinang
Consumers Association of Penang
檳城消費人協會 பினாங்கு பயனீட்டாளர் சங்கம்

10 Jalan Masjid Negeri, 11600 Pulau Pinang, Malaysia
Tel: 604-8299511 Fax: 604-8298109
email: consumerofpenang@gmail.com

Websites:
www.consumer.org.my

Kenyataan Media

14 Disember 2021

KEBERSIHAN PULAU SAYAK PERLU DIJAGA — CAP

Persatuan Pengguna Pulau Pinang (CAP) kesal dengan masalah pencemaran sampah sarap yang berlaku di Pulau Sayak daerah Kuala Muda, Kedah ketika ini.

Sehubungan itu, CAP menggesa Majlis Daerah Kuala Muda (MDKM) menjalankan siasatan dan mengambil tindakan segera bagi mengatasi masalah tersebut.

Dalam tinjauan yang dibuat CAP mendapati keadaan ini bukan saja melibatkan tempat perkelahan di Kampung Hujung Pulau Sayak tetapi juga di tepi jalan utama di kampung berkenaan.

Bahan buangan terutama plastik berselerak di tepi jalan dan terdampar di kawasan pantai kampung berkenaan kerana dibuang oleh para pengunjung tempat ini.

Selain tindakan mereka yang tidak bertanggungjawab membuang bahan buangan sesuka hati, ketiadaan kemudahan tong sampah antara punca-punca berlakunya masalah itu.

CAP kesal dan bimbang dengan kejadian tersebut kerana ia boleh mencemarkan alam sekitar dengan lebih serius lagi pada masa akan datang jika langkah segera tidak diambil ke atas punca berlakunya masalah itu.

Tempat ini mungkin menjadi sarang nyamuk dan tikus membiak jika sisa buangan di sini terbiar dan tidak dibersihkan serta boleh menjejaskan kesihatan orang ramai terutama penduduk tempatan.

Selain itu, bahan buangan tersebut juga boleh mencemarkan laut dan menjejaskan aktiviti tangkapan para nelayan pantai di kampung ini.

Di samping siasatan dan tindakan segera yang perlu dilakukan oleh MDKM, pemantauan yang berterusan dan tindakan tegas wajar diambil ke atas mereka yang melakukan kesalahan mencemarkan alam sekitar di kawasan ini.

CAP juga meminta MDKM meletakkan papan tanda amaran ini di lokasi kejadian bagi mencegah perbuatan tidak bertanggungjawab dalam kalangan orang ramai berterusan.

MOHIDEEN ABDUL KADER
Presiden
Persatuan Pengguna Pulau Pinang (CAP)